

相引於無替也

孚佑帝君曰適

浮邱仙祖訓言闡先天之秘旨括大道之玄機卽命爲玄宗第一章日後壇中弟子果能積誠尚可續求大緣以成全旨

浮邱仙祖曰覺須大覺慧乃真慧慧由定生定以靜致真靜之旨索解爲難虛中以課寂靜非定動得靈機守著非玄玄中靜旨微妙難宣如一面鏡遇物呈形須知是鏡本無此形何以形形離鏡索形何又無形移鏡就照亦復形形此鏡彼鏡非有二形此形彼形本無留形玄中之靜作如是觀如一川水澄潭印月月未升時淨泓無月月正懸時水天一月水月天月盛有二

道藏輯要

玄宗正旨

三

斗集四
又川文

月挹水取月何無有月移川視月依然此月須知川川本無此月玄中之靜作如是觀谷口梅花當陽舒蕊方其含葩早孕陽機若非凜寒凝結生氣縱使初陽來復無基或消或息與造化期靜之入路玄之奧區蓮花出水亭亭承露團圓一珠凝於花跔碎而破之成無數珠露之初零點滴顆珠豈知剖碎滴滴成珠須知是珠本是一珠荷華初著合而不舒荷葉拋撒不沾些須唯不沾故露著成珠靜之妙相玄之要樞言難罕譬略洩天機本於虛白孕於中黃含於始青成於赤靈歸於太玄玄道斯名得此義者靜悟參能

孚佑帝君曰此篇爲玄中第二言言微妙已洩盡天地之秘雖

楞嚴法華諸經未能盡聞之微於此訓見之禪玄二宗皆以靜
爲主靜中之旨誰能參透至此者各謹誌之能得其中萬分之
一皆妙境也

淨邱仙祖曰性根於命命原於天溯厥本始於穆無言賦之於
人一心具焉天心我心本無二心人心道心亦祇一心內心外
心仍是此心學於此心當求我心何所依著卽此片時我心彼
心原相印合故知此心無有聖凡皆可內求以我之心治我之
心心與心敵以我之心養我之心心與心游試問此心能有二
不若說心腔腔於何係若說空空又何寄當知是心合內外
一心君火焰炎上易然其光奕奕其勢燎原根於地七附於少

道藏輯要

玄宗正旨

四

斗集四
又上明

陽少陽之性易動難降中有伏陰牽引爲殃故凡火熾中有黑
烟雖火旣滅烟尚連綿制之以坎水火濟焉坎由何得坤土傳
宣土塞易壅金液乾圓金滋水潤水澤木堅木之萌蘖得水新
鮮歸根反土與火同原火木合明眞火長炎旣虛其中仍實其
腹填足純乾合一先天心之體具心之用全心光發露心相自
圓佛言明心道言鍊心儒言正心匪鍊弗明匪鍊弗正鍊心之
道不離反觀原厥本根亦有頓漸撒手游行無諸法相實具諸
法心體豁然心相明圓涵天平地大光明藏大解脫緣乾坤在
手搏弄無邊且生且息自在通玄此爲頓澈妙難言宣其次收
心斂息藏密刻不遑息惺惺具全十分功苦一線機關金水相

涵光透心堅如取明水方諸鑑月無刻少息如伏雞雛雖或暫起耳聽心傳此心一見似哉生魄幾望之吉漸得大○圓相既足乃合爲○合和陰陽造化三才遂得○象命斯立焉我命既立馴致忘言以胎以息一化萬千億萬歸一還我大○圓成本相虛中求全刻劃虛空空在目前真空由我大返大還渾然一氣歸合先天實生先天天命何言天地總持豈止於參大海茫茫海立天掀大火炎炎火烈風恬乃心本體於是可參
孚佑帝君曰此篇爲玄宗第三心乃我心失亦我失我求我心須得真諦夢因善玩之自來言心無逾楞嚴七處徵求可謂窮微至盡然究未傳真心妙相以待參求今蒙

道藏輯要

玄宗正旨

五

斗集四

仙祖直揭本象人人皆可認取實屬無量慈悲然已括玄功始終了無遺蘊在人自領之耳須與在壇諸弟子共參求之爲望
浮邱仙祖曰修玄之士在識性體性原先天廓徹無邊及分於人各具其全根陰根陽合妙通元迨其爲用遂麗於情情芽既萌情根早種雖其所發純駁不同要知作用皆由情生學子誤會認情爲性在尾梢頭難得本體如一海水吸一餅罌指此餅水謂非水源源豈不存謂是水源源究非真如木性仁仁乃性德亦性所蘊非性本根水火土金亦復如是俗世言道求性不明皆因情處端倪發露妄指爲性故至終迷性體真元本難言
宣自來形狀謂如止水又如明鏡水止不流流性斯具鏡瑩不

昏遇塵莫拭性體輝光歷劫常具溯厥真形本莫言喻如一輪
月在天心時四海之水千潭之深皆映此月謂月分形原止一
輪謂此一輪萬水俱足此月彼月甯有異不此性彼性亦復如
是可知後來皆性之用非性之體守此中宮性將何麗充此微
明性豈散寄元元之始性根本裕求之最初返還真炁以炁御
神以神化氣氣合始青神分太素此中有性乃得本始二七同
宮一六相濟道家之言貴養性水此猶二乘我欲超立先鍊性
火性火晶明水自裕如火何由鍊非鼎非爐只一點機括厥根
蒂機何由發真子午位中濟以坤火歸土氣土得制伏火柔水
利陽火陰火分厥功候卻非百日又非頃刻不後不先不躁不
道藏輯要

立宗正旨

六

斗集四
八八

懦得乎自然歸於立立此中橐籥相乃闔闢一生萬億億合冲
漠無有終始更得迴旋抽添洗伐一切不言直透性始上清之
仙

孚佑帝君曰此篇爲立宗第四言性爲人立直證上乘之法但
從古聖賢以本體難以言喻各就性之發露處指其一端言之
遂使學者莫得真諦於一端中求全體體非不具而全象究莫
之得見也故從來言性功者於中半截轉灣多誤由於起稍便
非真相得仙祖無量慈悲曲爲宣示性中全功由人達天由天
超立一步一節皆可尋求不但增覺壇無限道緣實萬劫莫宣
之祕諦也惠覺參之諸弟子勉之

浮邱仙祖曰乾坤健順運乎穆清細縕渾合凝結元英誕賦斯人是爲命根兩儀既判二氣分形或雜而揉或碎而精心知血氣各稟頑靈是爲命體聖凡難均五行推衍元會遞行或原浩劫或啟後因是爲命數一定難名兼斯三者命之義精立天之樞奠地之極備人之德合撰清甯歸有於無乃曰立命關機闔開呼吸無違一翕一闔動靜相隨是曰順命洞徹淵微妙析玄解真空湛寂妄義不參是曰知命自有之無由逆得順化我爲人並忘我相亦無人存顛倒剛柔變化機神是曰造命匪人能此中玄竅貴得其門世間學子漫言修命先昧命元祇知命體認此質相以爲真精曰守崑頂崑頂終傾曰固精廬精廬未

道藏輯要

玄宗正旨

七

斗集四
X上X

甯曰守中田田蕪難耕此三正法無一是處况復其餘更何足云欲識元命先養元英元英本二三五分呈三者金體五者玉精金玉斯合化爲水精水成一六二七助潤積爲三三一九功靈九數有合九九渾淪歸乎太素仍此元英並忘英液止留英靈靈亦可棄英炁方純純炁得養香冥無形直通帝載無臭無聲方爲至命完乎斯人忘聖愚形得玄妙真升上清位仙界斯分分級優序列上眞門上眞之別亦在玄英非空非寂非顯非微妙如寶相化劫長尊此爲上乘語言莫罄得其微義証以一心

李佑帝君曰此篇爲玄宗第五善哉命之理微非語言所能形

容荷

仙祖玉言直揭本相自來修命之士皆未嘗聞斯妙義也宜共寶之

浮邱仙祖曰吾道之大大以妙名吾道之妙匪微弗精微妙難思元解可尋試衍妙緒先識妙因因與果合果證因成一曰妙覺無始劫來各具此妙皆緣後起蔽厥神明發此大覺求我妙因世間情欲自己根塵一切掃除得自在心眷屬蓮花開謝生成身心蝶夢生滅無心合大千界皆入覺真不觸不住無我無人並無法相亦無覺心惟此大覺與妙相乘須識知覺二義攸分知者知此所見能真覺乃自覺甘苦益親如痛須摩如痒須道藏輯要

玄宗正旨

八

斗集四

搔旁觀不覺身之者真既得真覺乃悟元英一曰妙相身心血氣四大河山本來清淨並無染著何至滯礙弗克通靈試以一心與大千界極諸上天合諸微塵渾爲一氣任我彌淪莫有邊際此圓明相誰能窺尋更以一心將大千界極諸上天合諸微塵揉碎混濛細入無間歸吾度內無不容納更以一心化大千界極諸上天合諸微塵歸入杳冥而我自在大與小合離卽無形仍還此心超大千界越諸上天與諸微塵渾乎穆清無有臭聲而我自在端倪莫呈此廣大相誰能言名一曰妙空凡諸天界與諸欲界本來無有是乃道根試立亘古天地混合何以清甯此混合始無天地名祇有道元運乎無朕則知道妙與天等

高與地等厚水流山峙嶽瀆同靈然此高厚與此英靈究皆道
用仍非道體固知道體空空呈能以空求空空何所憑以空化
空空性自存並忘空性空體方靈靈亦不見妙空幽成得証上
真尚鍊妙因一著妙想便脫全真鍊妙之法歸於妙因因又何
妙在別聖情更全聖行滅度斯人無人滅度方得妙因因妙俱
離歷劫長存聞斯義妙先印妙根

孚佑帝君曰此篇爲玄宗第六善哉道妙莫名真心象呈顯微
畢露階級分明雖列天仙尙鍊妙因况乃學子匪妙何靈得聞
妙蘊歷劫難聞金函玉笈寶此秘文

浮邱仙祖曰太初無形太易無氣氣尙不有儀象何名是知氣

道藏輯要

玄宗正旨

凡

斗集四
八十一

毋從無氣生卽如而今人各執筭筭中之風從何自來謂風在
筭不搖何風謂筭無風搖卽風動因搖得風是搖非氣因筭得
搖是筭非氣搖筭兩空風輪常住人各執筭風與風殊彼風此
風甯有異不因人而殊非風本殊無氣之氣作如是觀人得氣
生亦以氣滅愛水觀火仁木義金意土運旋五賊在身在身爲
賊在物爲恩以賊攻賊賊勝主兵轉賊爲恩賊去恩存運之在
我妙合天行水一金四火二木三合之皆五生剋循環物妙環
周物流復元妙機在握手定坤乾一三擒之三五合之由擒得
合虛極靜專運以神火坎中金然西南朋得東北位全此謂逆
取妙合天全我謂煉火不如煉水一切根塵心水印之養水還

元天一初復七日能來陽回子半煉水無波水月當圓洞澈萬
有一泓淵然水滋木華木澤土堅水凝金利四者遂天天地有
合妙水中涵擊水碎月月月在淵掬水取月月月在天天水一
碧渾合無邊我不在我水月情捐我又有我水月性全忘水與
月并我忘焉忘我忘忘太虛杳然嘿焉道存在太易前以無爲
爲以無住住爲住不名在無極先此理玄微妙者能參

孚佑帝君曰此篇爲玄宗第七今蒙

仙祖補闡玄宗字字金玉言言微至非覺子再三誠懇亦不得
聞斯旨也煉水之訣自來仙真未經道破此是入手要訣卽極
之煉虛亦不外是箇中妙竅解人自領之覺子當又增一段境

道藏輯要

玄宗正旨

十

斗集四

地萬萬劫後凡得與聞斯義者祖

仙祖爲不祧自不得不以覺子爲首庸也一笑領之

浮邱仙祖曰鍊真之士貴於鍊神神所由鍊炁合神存神附於
形形頑神靈其次委形最上化形形之能化先在形形形所由
成乾健坤貞天魂地魄陰盡陽純日月在手造化在心亭之毒
之由我生成順乎五氣歸於元精飈以火軸鼓以風輪潤以木
液曜以金英中央正位太乙神行於是七返形我全真莫留我
相獨肖我神四海水立銀海光騰九天樂奏玉絃音清神之所
注多與之迎須守真我莫遽相親渾乎浩乎有主人存區舍尚
在何言騰升雲來足下雷震崑崙隨人隨出又著相真不知玄

解功敗垂成須識此神由無而有用遊八極周歷蓬瀛終非止
所尚滯於形百千萬億神因形成化有而無淵默無聲九鼎在
我三一合炁絪縕元始胎育上清清而得甯握於一心心非肉
團亦非空名有物無質善養而存並忘此心仍御此神合虛全
道先天地生後天地存九九之數劫不能侵初無餘法太空冥
冥
孚佑帝君曰此篇爲玄宗第八言神之始終出入溫養皆非尋
常丹道大約以歸炁合神化神合虛爲要旨而其中乘時之剝
換入解之推移因道之元本爲神之離合寸寸有至精之蘊節
節有至密之機會心人當自領之不易洩也

道藏輯要

玄宗正旨

十一

斗集四

卷上

浮邱仙祖曰空非有物實之以神神遊於漠空仍空存空原非
空天以空運地以空貞神以空行神歸空在空不少傾神遊空
際空不少增神與空合乃見空靈空無二空神本真神無空者
存空渾於神更無無空空與神泯杳兮忽兮空莫可名空中之
實玉殿璇楹神所棲泊浩劫常存不留神域仍鍊仙真或居瓊
府廣濟羣生或沈塵土混俗施功度一切厄化一切生無度無
化與道渾淪呼吸帝座蟠際無垠氣合爲炁全乎始青噓爲風
雨震爲雷霆春秋溫肅日月貞明一神所運圓鍊乾坤空在神
中分合皆春欲知分處先向合論合空空合乃能空分分空妙
妙空豈象呈此爲大道玄玄之門求玄得玄忘玄玄全關斯玄

旨待我後賢乃說偈曰一三三一九六真詮安汝九鼎化爾三
川妙空真覺鼎田不言化度一切信我心傳玄玄妙奧直證天
仙

孚佑帝君曰此篇爲玄宗第九言歸空之旨修行積功不遽入
羽化雲昇之路爲普度廣化之歸與天地合德自然與天地終
始更須知天地之運行尚有窮時而大道之綱維實無盡期超
宇宙而莫清甯不有在哉

眾真總監天尊曰學仙須是學天仙第一天仙有正傳頂上醍
醐宜認取箇中玄此待誰參胸前洗出團圓月背後疏開清碧
泉到得無爲成正覺真源處處是真詮

道藏輯要

玄宗正旨

三

斗集四
X04

孚佑道友開無量慈悲爲第一壇中闡宣要蘊年來所示幾無
不盡之旨此中待有解人直証無上法門可勝欣幸故特來此
一爲証明惠覺是第一壇內傳示淵源直接斯道正宗者望之
甚並望其相續於無窮也道兄稽首

孚佑帝君曰仍望暫駐螭輪一聽玉律道未與壇中億萬年未
來弟子均各感荷

眾真總監天尊又示五圖曰此五圖乃人稟天地至真之炁始
也第一圖五行未分木藏土中水滋木裏火孕木中金蓄水始
土尚未凝木亦不發此初得之氣第二圖五行漸分木居甲地
水澤坎門火炎離位金麗乾方土結坤維此人受氣之始也第

三圖五行生育水生木葉木植炎中火生坤隅金埋澤土土居
艮始其止不遷此人受生之始也第四圖乃五行易位顛倒二
氣之本然水濟離宮火鍊金液木枯火性土就金根金藏淵底
水不滅火火不殺水之性金乃成木木非伐土之材交養並育
以四時爲收洩以晝夜爲轉環以萬六千餘息爲進退久之自
復其位此人受性之始卽吾道成性之門第五圖乃混元歸一
百脈流通水亦有火火亦有金金亦有木木亦有土混渾爲同
元氣浩浩不知爲玄爲黃爲青爲白爲蒼爲赤彌淪九有渾合
虛無至大至精莫可言喻此人胚胎初結之性體卽吾道歸根
反始之橐籥言之莫能罄其妙行之須各踐其實以有覺鍊無

道藏輯要

玄宗正旨

三

斗集四
XO州

爲真源之傳在是矣

孚佑帝君曰今幸

大羅蘇祖臨此闡揚妙蘊皆億劫以來不宣之秘旨著夢因卽
載入全書中題曰玄宗正旨與禪宗正旨統爲一卷解此談者
當知玄禪之合一矣

孚佑帝君曰先天一氣是真玄玄裏玄機貴靜專有妙有竅誰
能語悟得真詮是卽仙今特請

大羅仙首到壇續宣前蘊實道運將啟之機誠亘古仙宗不傳
之秘旨後之志道者由此直證無上法門是吾之幸也夫

眾真總監天尊曰幸從佛界續前緣道理玄微好代宣識得玄

玄真竅妙一切文字落言詮因爲之說曰三日成魄厥位於庚
朔乃本始根自玄冥方諸試取金液流精本由坤地得一以貞
一六既合功非專營其次章曰重離繼照炳乎中天其光隱隆
庚甲肇端金居兌地得戊乃傳反還坤始復性於乾其三章曰
三五之體綜而錯之移東就西賓主參差配以青黃知白守茲
立立在茲珠光耀斯其四章曰中在虛中執之非中中在一中
二之非中玄默靜官與天鴻濛此中有物恍惚難窮問厥功候
進屯退蒙其五章曰再出可入莫可名象反本還始不落迹象
雄猶龍伏獐虎鬥將取柔致一伏虎心降此後游優吹息以商
其六章曰二儀之用合則無傷其形既化其神無方神由氣合

道藏輯要

玄宗正旨

丙

斗集四
八上九

始氣周翔手握乾坤搏鍊陰陽六虛無遠咫尺相將其七章曰
復見天心由姤遞濟震艮和同其義乃備由後遯前仍守此義
九義斯得妙無言議其八章曰自天降衷惟此一性由性至命
兼體乃盡一九既得二五退聽循源溯流真一水性其九章曰
仙分等級道無二名原乃玄機難以義呈規矩坤運眾妙門
中有密諦悟者兼成此九章續五圖之後道友能達此義由所
能言遞參於言不能宣之處則今日緣遇亦道運自然機緘盡
啟之端倪云爾

孚佑帝君曰幸哉慶哉億萬斯年學道之徒多入旁歧成就者
皆由累世修持佛仙度濟方能聞斯密旨今蒙無量宏慈盡行

宣闡力行者可由言入入妙者更以意參使玄宗一脈得有薪傳皆永永無忘此日也覺卽是空空卽是中玄與道合甯有異同立忘知見卽轉屯蒙繹斯悟斯淵源莫窮迷者易感悟者吾宗

孚佑帝君又示曰大道無名不可言思總之曰妙妙妙難窺象之曰玄玄玄難知一關洞啟萬理咸歸見淺見深各以意爲鼎爐水火徒費許詞抽添進退見亦旁歧玄關妙竅一心具之心真无妄心正无欹心空无物心實无倚四大假合心以心迷一元自運心以心治先天一炁以體合之皆皆太虛在初生時形與氣合是分兩儀五行備具運轉無違至道無象至心無爲以

道藏輯要

玄宗正旨

五

斗集四
人々川

心合道氣精神機如天垂象運乎四時如帝端拱化乎郊圻水木同華金火交資火水既濟木火齊輝金水雜揉火金鑪錘顛倒五行填補坎離伏息氣中功始築基凝神氣母志湊單微雪雲六出天花亂飛明月一輪清水一池霹靂一聲莫知誰爲不先不後不疾不遲非無非有去智歸癡冥冥默默心與天期以滅爲生神動天隨再出再入白鶴玄龜伐毛洗髓脫盡肌膚身有馭妙從欲以施煮汞削雪攸往咸宜返虛入渾歸証天堦以斯言道玄妙可思以空求妙妙妙在茲以妙參玄玄玄可幾靈臺一點歸有餘師

紫府洞虛玄真人曰妙道先天地妙功離言說忘言求內景此

象無人揭

孚佑帝君度濟一切特宣妙蘊於第一覺壇今故駕龍此到此共爲印證天行與人呼吸相通人一日有三萬六千餘息天一息行八十萬里氣速則傾故有西北之陷氣遲則震故山川有崩竭之形不疾不遲此日月之所以運行寒暑之所以往來人之呼吸斟酌於疾徐之間久之與天氣合是爲始炁由有息以至無息運乎自然行乎無象於是春食朝霞秋飲沆瀣夏餐至陽冬食汁音紀四者備而中氣具育之以立發之以黃立黃雜而先後合從有入無由無還有人亦一天地也縱使混沌重開元會在運此炁固無終極又何一切之可容言說乎

道藏輯要

玄宗正旨

去

斗集四

孚佑帝君讚曰妙道無言因言以揭直證終始其蘊莫測循此則大離此則歧仙宗一脈爭此幾希希夷無朕妙合玄機萬億斯年解者難期薪傳不謬來者伊誰

正陽老祖曰樂響八琅璈駕青鸞雲路逍遙看祥煙繚繞紫雲擁護第一壇高憶從前曾到舊雨已寥寥喜薪火相傳吾宗一派道脈非遙從此後綿綿瓜瓞相續後先超諸君須記取軒轅頂上鳳凰巢未許輕敲絃寬休放矢風急漫浮舸

孚佑帝君曰弟子奉吾

師教遞衍宗傳千年以來唯此第一壇地薪火相傳可望長此接續尙望吾

師慈恩教度使得共登寶筏感荷

宏恩歷劫相延永永不忘

正陽老祖說偈曰一非一無非無一化無無歸一虛中有實實處仍虛一而二之二而三之三三九九相衍非有玄玄在無玄玄在有紅雪一爐點點非有明月一輪皓皓非有青天一鶴鷺鷺非有造化一團渾渾非有太虛一片默默非有有中得無更取無無道法之傳似無實有

孚佑帝君曰今日乘緣得傳寶訓實千年宗派正旨字字皆寓精蘊夢因卽此參證並爲後來人開啟覺路不外此數言也系之以言曰夢因此後識真吾九有寰中得舊廬消息不妨先報

道藏輯要

玄宗正旨

七

斗集四
ノ川上

汝好將春雪點紅爐一之與無非有二也有之與無亦非有二也識得非有更求非無再取無無並無無無渾渾穆穆杳兮忽兮道之傳盡是矣他日相証須記此言

孚佑帝君又曰一生萬物之母一函三物之主萬歸一物所宅一歸無物所息玄天杳幽且默來者主去者客鏡中花水底月若云非花分明有色若云是花無枝可折若云是月非手可掬若云非月冰輪皎潔箇中參透花月精微也非鏡也非花也非水也非月卽鏡卽花卽水卽月曰希與夷是道之基曰玄與妙是道之竅與子道破混沌中含至妙

正陽老祖曰覺壇壇地擁祥光縹緲爐煙達上蒼一片紫雲凝

法域仙緣佛力本無方○這葫蘆不是那葫蘆把三千大千世界恆河沙眾也盡包儲鍊將二五入虛無方識是吾蘆好認取黃芽白雪的光景玄微妙處是真吾看他年淵源續接一派天仙薪火相傳不僅到華胥那是俺真正葫蘆今日爲純陽子一臨覺壇共迓

慈光爲壇地增無邊善慶爲後世廣無量正傳皆吾道之幸覺子勉爲之得接吾宗於一綫於子有厚望焉特一證之

孚佑帝君曰今日是上元日爲子說元之義可乎元者大也始也能知大方知始能知大始方解無始能知無始方無無始竝此無無遂獲大始大者彌淪天地包蘊古今萬萬劫後與此常

道藏輯要

玄宗正旨

六

斗集四
××三

存方謂之大乃云大始一元週轉六氣流行中有純駁化之乃神鍊虛入大反大歸虛大道一線望有傳人今特爲子闡此須知亦一大緣因也

孚佑帝君曰無分智慧與根因但有真心許問津吾宗不厭分明說法子須求解識真腹中造化天然運爐裏乾坤太古春願與同登無量壽覺源宗派有傳人今乘緣一聚諸子各矢真心將宏壇運是道人之本願亦惠覺積念同符之感契也從此維護各以真功副各初念無怠勿雜淺深視人之自取道人相望之心無異致無已時也玄機各向靜中參靜裏單微得妙玄但解玄中真橐籥一天空濶一天懸

孚佑帝君曰平生一劍一葫蘆歷劫於今總自如但使圓成宏願足不妨脫劍棄葫蘆道人飛鸞行化不下千百億壇各隨其地其時其人以為指示而宏立大願欲度盡無始劫以來恆河沙數眾生故特開七覺闡宣立旨七覺之中其侍壇者人心不能強齊道緣不能強合故壇運之盛衰有時亦其數然也獨覺源為覺壇之首並蒙

菩薩慈悲合願共成故得玄關頓啓元旨畢宣數年以來屢請諸佛上聖揭明要蘊使億萬劫後得衍宗傳覺為正覺源乃真源一絲一滴皆歸無上妙乘幸覺子具大願力仰副吾懷以期普度故不惜屢臨壇宇普渡祥光俾侍壇諸弟子皆除迷入悟

道藏輯要

玄宗正旨

九

斗集四

以啟將來之緒此亦初立愿時即欲度盡一切之心所綿綿翼翼相持以至今日者也志超向有慧根前因具在故能於南中壇地發大信心近日鑒汝護道肫誠奉道懇切故默為扶助俾得自南而北得侍第一壇訓掃除前此世緣之累便可入手求真由此發大願力立堅固心由外入內印合心源此生富貴福澤皆末事也能返本歸真求自己著落則得之矣贈汝以言求道在心入道在誠玄妙旨只在專精月輪皎潔冰鏡晶瑩湛虛澄寂外物無侵立在黃中此理當尋

孚佑帝君曰莫說有莫說無有與無實中虛說是有天地山河何曾有說是無性命玄微皆有著大化太空行大道一元運轉

藏中能顯微微的分明露於機括箇箇內邊藏箇箇外邊落摸
索處是顯是藏仍無著何如收向一團中真實處求正覺海水
雖渾澈底歸閭淵淵浩浩上下同流皆是一源相印合妙祇在
平易中莫向那幽奇晦邃偏端中求下落意與心知分別先得
清楚內外中邊莫混卻便是這箇諸子求道之心深契道人初
願故屢次言之竝爲闡發立宗億萬劫後入吾道者皆明正旨
皆歸正覺此道人本志不但爲諸子說法使諸子能於吾言中
稍參一解卽是大慧智光發現之處固道人所日望之者也適
纔所言拉雜中皆寓至義並爲本壇道運終始微露端倪覺子
誌之爲此證明可耳

道藏輯要

玄宗正旨

千

斗集四

道人又示曰汝等知道之所由名乎道生天地此習見語也不
知在玄黃未剖之前邈乎無象濶乎無垠原無混雜自天地闢
而人物生道所分寄實道所全具也可知道本渾然於太虛天
地人物皆道所苞孕而非道所散具也人多將道看成分寄之
宇宙人物不知其分寄者其全體者也能離而二之乎能剖而
析之乎能知此意求道者當於渾然在中處尋真實端的不求
諸空虛寂滅之中不著於身心迹象之間則得之矣平常說有
說無皆言詮也究竟從何入手贈汝等要言以清淡養榮以恬
靜養神以脫去無明養慧以非有非無養氣以或著意或不著
意養元以再生再滅養胎以不生不滅養始炁以有生無滅得

大還言盡於此各就所造之境地參悟見淺見深隨汝等自領之皆有入處也

孚佑帝君曰善根深處性根全萬法同歸任自然性本同源心各具儒宗何至異立禪性有聖凡自其賦於人者言之也其實在天之性渾兮穆兮何聖凡之殊也氣有清濁自其麗於形者言之也其實最初之氣昏乎寥乎何清濁之分也在天之性稟道之源分具於人各有根始最初之氣含道之元分屬於人各有真元葆其真元復其根始人全而道具矣故不必分門別戶立教異名誰非賦此性又誰非得此氣者能於道外另立一名另成一說乎後之學者不明此旨強分異同遂至歧途百出盡

道藏輯要

立宗正旨

三

斗集四

離其宗大惑不解自道人視之皆可憫念故於第一壇中詳切宣示使知性命之旨本無殊致大道之歸豈有異名先正厥趨乃識嚮往求道者知於性之大原性之分著處認得清白更於氣之本始氣之分呈處看得渾合便無疑慮養其氣見其性無餘事矣養氣者使身如槁木心如寒灰木雖槁矣木性自存灰雖寒矣火性自在其中消息無意失之有意亦未必得之也功夫不外瞬存息養而存養之方又非如俗學沾沾自守所謂執中非中與古帝允執厥中之義早判然懸殊矣古帝傳心不外執中執之一字自來無人善會遂使大道晦塞至今曰道人所以娓娓言之者亦欲使千古薪傳不至中斷耳

孚佑帝君曰現前靈寶豈徒然一粒珠光五丈懸烹有鍊無皆
妙用虛中實腹得真詮通於闔闕竅中竅碎却虛空天外天九
轉仍還皆道力箇中圓相是薪傳夢因以人合天之旨已參破
矣後此當以天從人爲衛道計並卽爾道力圓相又一境也適
所訓卽與諸子各就現在淺深示之得寸得尺皆似吾初則圓
通之義了無罣礙是汝與吾之本願也

孚佑帝君曰入塵原比出塵難塵海茫茫著腳寬去不迎兮來
不拒觸無相也法常安眼前日月空中現界外乾坤靜裏觀在
世離塵爲大覺神仙忠孝共乘鸞

吾廬莫便說吾身認得真吾乃見真面目既成三界小主人翁

道藏輯要

玄宗正旨

三

斗集四

在四時春靈根妙寶原無相虛果空花亦結因鼓舞元神還太
素寰中何處著斯人

說與塵中自在仙離塵何必息塵緣消磨五障真元合解脫三
災妙相圓千日羅張雲不住四山林密月當天爲君更籲浮邱
伯盡闡玄經字五千

須向玄中識又玄玄玄宗旨一燈傳禹餘宮內珠成黍大赤天
中玉作田妙寶鍊成非偶爾真空了卻始超然西河月斧今拋
棄共證人間般若船